

TJA NEJENIL TWITZ PAXIL

TQ'OB' KAWB'IL 12-2020

Paxil, Junk'al ox q'ij toj Tqaqin xjaw te ab'q'i 2020

AJU NEJENEL TWITZ PAXIL

TU'NPETZUN:

Aju Nejenel Twitz Paxil kyuk'il K'loj Ajkawil Iq'il Twitz taq'un Tnam kub' kyb'incha'n aqe' Tq'ob' Kawb'il toj kyajlal 5-2020, 6-2020, 7-2020 ex 8-2020, ikub'ni kytzaq'wen ex tx'ixpu'n tuj Tq'ob' Kawb'il 8-2020, 9-2020 ex 21-2020 tu'n Jab'inchb'il Kawb'il Tnam kub' kyq'uma'n qa at Moyb'il Yab'il Twitz Paxil, tu'n tqanil kub' tq'uma'n Chemb'il kyxol Ka'yil B'a'n chwinqlal Twitz tx'otx' tib'aj tx'u'j yab'il COVID-19, qu'n aju lu' ma pon tqanil tu'n tmoyit yab'il twitz kykyaqil nimaq tnam twitz tx'otx' ex Twitz Paxil, tu'n tjayet jun tumel tu'n tmoyit, tmaqet ex tu'n tjayet q'anb'il xjal ti'j tx'u'j yab'il coronavirus (COVID-19) Twitz Paxil tu'n Ttxu Jaq'anb'il ex Ka'yil Twitz Tnam.

TU'NPETZUN:

Qu'n toj tq'ijjal ja'la, aju tten, tch'iyil ex tlememen tx'u'j yab'il atok tb'i te COVID-19, xi'ku t-xi' lememen toj junjun q'ij toj tnam Paxil ex toj tumel xim lu' ex toj tumel kawb'il tib'aj Nuk'b'il Twitz Tnam ex toj tumel Kawb'il tib'aj Q'anb'il, ilti'j tu'n kyonin Jaq'anb'il twitz tnam, junjuntl k'loj xjal ex qe' ajtnam toj tumel kawb'il b'incha'n twitz nimaq tnam ex toj tumel kawb'il b'incha'n toj tnam Paxil tib'aj moyb'il ex q'anb'il tu'n min txi' lememena tx'u'j yab'il ex tu'n tmaqet tten.

TU'NPETZUN:

Toj tumel ma chi q'umanjtz jawni, ilti'j tu'n t-xi' lajet kawb'il tib'aj moyb'il yab'il toj tumel xim tu'n qten toj b'a'n chwinqlal, tu'n tok ka'yit qchwinqlal ex tu'n tka'yit kychwinqlal xjal, qu'ntzun ilti'j tu'n t-xi' lajet jtetl q'ij Kawb'il tib'aj moyb'il yab'il twitz Tnam aju ok kub'el b'aj toklen toj tkab'in q'ij toj tqaqin xjaw te ab'q'i lu'.

IKYTZUN TTENJU

Toj tumel xim b'incha'nqe' kyoj ttotx'il 1^o, 2^o, 93, 94, 95, 138, 139, 182 ex 183 toj tten e) ex f) toj Ttxu Kawb'il Twitz Paxil; 6, 7, 16, 17, 30, 36, 39, 40 ex 47 te Tq'ob' Kawb'il 114-97 B'incha'n toj Jab'inchb'il Kawb'il toj Tnam Paxil, Kawb'il tib'aj K'loj Xjal Iq'il Kawb'il twitz Tnam; ex 1, 2, 14 ex 15 te Tq'ob' Kawb'il 7 toj Nin Chemb'il Twitz Paxil, Kawb'il tib'aj Nuk'b'il Twitz Tnam.

AQE' K'LOJ AJKAWIL IQ'IL TWITZ TAQ'UN TNAM NKUB' KYB'INCHA'N:

Tnejil Ttotx'il. Jtetl q'ij. Ok xe'l junk'al laj q'ijtl tqan kawb'il tib'aj moyb'il yab'il twitz tnam aqe' b'incha'nqe' toj Tq'ob' Kawb'il 5-2020, toj tjwe'yin q'ij te toxin xjaw te ab'q'i 2020, tzaq'wenkub' toj Tq'ob' Kawb'il 8-2020 tu'n Jab'inchb'il Kawb'il Twitz Paxil, tx'ixpu'n tu'n Tq'ob' Kawb'il 6-2020 toj junk'al jun q'ij toj toxin xjaw te ab'q'i 2020, xi' q'ontl jtetl q'ij tu'n Tq'ob' Kawb'il 7-2020, kykab'il Jikyb'a'n kyten toj Tq'ob' Kawb'il 9-2020 te Jab'inchb'il Kawb'il Twitz Paxil ex xi' q'o'n jtetl q'ij tu'n Tq'ob' kawb'il 8-2020 toj junk'al q'ij toj tkyajin xjawe te ab'q'i 2020, kub'ni tzaq'wen tu'n Tq'ob' Kawb'il 21-2020 te Jab'inchb'il Kawb'il Twitz Paxil.

Tkab'in Ttotx'il. Tumel. Aju jtetl q'ij toklen kawb'il tib'aj moyb'il yab'il twitz tnam, aju nq'umanjtz, ok kub'el tzaq'wet qu'n toj tq'ijlal ja'la, aju tten ex lemj tx'u'j yab'il COVID-19, ma txi' nim toj junjun q'ij ex aju tu'n tten b'a'n chwinqlal jun oklenjtz ilti'j tu'n t-xq'uoqit tu'n Nejenel Twitz Paxil, qu'ntzun ilti'j tu'n kyxi' lajet tumel tib'aj moyb'il yab'il twitz tnam tu'nmix tz'ichina tx'u'j yab'il kyij xjal nchi najan toj Tnam Paxil.

Toxin Ttotx'il. Q'a'nb'il nchi ojqlin. Toj tumel xim Twitz Paxil ex toj ttxolil tu'n kykolit xjal twitz tnam kyij yab'il, toj tq'ijlal moyb'il tx'u'j yab'il twitz tnam nchi kub' q'umet q'a'nb'il nchi ojqlin toj tumel ttxolil q'a'nb'il etzni q'uma'n kyu'n K'loj Xjal Ka'yb'il B'a'n Chwinqlal (OPS EML-ICU-COVID-19), aqe' lu':

1. Joyb'il onb'il yab'.
2. Tk'w'a xupb'il kyq'iq' ex xewb'il te yab' tuk'il ttxu xewb'il.
3. Q'a'nb'il tu'n tkuwix t-xmilal yab'.
4. Q'a'nb'il tu'n tkolit t-xmilal yab'.
5. Q'a'nb'il ti'j b'iyb'il yab'il tza'n azitromicina, ivermectina, remdesivir, oseltamivir ex jununtl tb'anil q'a'nb'il tu'n tmoyit tx'u'j yab'il SARS-CoV-2.

Toj tumel xim xi' kub' b'inchet kyib'aj q'a'nb'il nchi ojqlin, mya'l b'ant kyb'inchet kyu'n junjun xjal mo k'loj xjal tu'n tkub' ttzaj kyiq'in, tu'n tkub' ktzyu'n, tu'n tkub' kyewin, tu'n txi' k'ayin q'a'nb'il wiyilxix, tu'n tjaw kych'iysal twi' q'a'nb'il, aju lu' jaku' kub' b'aj q'a'nb'il tu'n xim, tza'n lu', jaku' kub' yajti mo kub' ewin onb'il kye xjal yab'qe' toj junjun tq'ob' jaq'a'nb'il twitz tnam mo etzin tten noqx tu'n mya' b'a'n xim ti'j k'ayb'il q'a'nb'il.

Tkyajin Ttotx'il. Txokb'il. Ntxokyinjtz Jab'inchb'il kawb'il Twitz Paxil, tu'n tkub' tka'yin ja'lanxix mo toj ox q'ij, aju tten, jikyb'al, tx'ixpul mo tu'n tkub' tnajsan Tq'ob' Kawb'il lu'. Qu'ntzun b'a'n tu'n tkub' q'umet toj chemb'il te Jab'inchb'il Kawb'il lu', jun tqanil kyib'aj tixti' ma chi b'ant ex tumel junjun moyb'il yab'il b'a'n tu'n kyb'inchet toj tq'ijlal tx'u'j yab'il ex tza'n tumel tu'n tb'inchet kawb'il tib'aj jtetl q'ij tu'n tten moyb'il yab'il twitz tnam tzaq'wenkub', toj tumel tajlal kawb'il toj ttotx'il 32 tib'aj Kawb'il tib'aj Nuk'b'il Twitz Tnam.

Tjwe'yin Ttotx'il. Tqanil toj junjun yol nchi yolinjtz toj tnam Paxil. Nxi' q'umet te K'ulb'il Yol Twitz Paxil, tu'n tkub' tmiltz'un xim ja'lanxix kyoj yol Mayas, Garifunas ex Xinka aqe' kawb'il tu'n Nejenel ate' toj Tq'ob' Kawb'il lu', tu'n tex q'umet tqanil twitz kykyaqil tnam toj Nin Tnam Paxil ex mixti'x jun xjal mlaywit b'i'nte tqanil.

Tqaqin Ttotx'il. Q'ol Tqanil. Nxi' q'umet kye kykyaqil q'ol tqanil tixti' ex junjuntl k'loj xjal q'ol tqanil tixti', tza'n xku tumel tu'n t-xi' kyq'on tqanil ex tza'n jun tumel paqanil in ajb'en kyu'n, tu'n tkub' kyq'on tqanil toj oyaj tib'il aju yek'b'il u'jb'il, kyij kawb'il tib'aj moyb'il yab'il ate' toj Tq'ob' kawb'il lu', tzaq'web'il, jtetl q'ij token, tx'ixpub'il tten ex tu'n tkub' najsan kawb'il, tza'n qe' kawb'il b'incha'n tu'n Nejenel, tza'n axtoq kyetz b'incha'n toj kyyol mos mo a'mj ex kyoj yol Mayas, Garifuna ex Xinka tza'n tu'n t-xi' tqanil toj tnam jatumel nchi yolinjtz yol lu' ex qa mixti' xi' b'inchet ok tzajil il ex ok chi chjetil il lu', toj tumel kawb'il.

Toj tumel Kawb'il b'incha'n twitz tnam ok chi q'umetil tqanil toj oyaj tib'il tza'n in tq'uma'n ttotx'il kawb'il ex qa mixti' xb'inchanjtz ok chi kub'el ka'yin tten ex chi kub'el chjet il toj tumel kawb'il.

Twuqin Ttotx'il. Toklen. Aju Tq'ob' Kawb'il lu', ja'lanxix ok okil toklen ex ilti'j tu'n tex tqanil toj Q'ol Tqanil toj tnam te Ab'ya Yala.

Q'ONX TQANIL



COMUNIQUESE

ALEJANDRO EDUARDO GIAMMATTEI FALLA

CFC

CÉSAR GUILLERMO CASTILLO REYES
VICEPRESIDENTE DE LA REPÚBLICA

Oliverio García Flóres
MINISTRO DE CONSTRUCCIÓN

Pedro Pablo Kuczynski
MINISTRO DE RELACIONES
EXTERNOES

Juan Carlos Alencázar Soto
MINISTRO DE LA DEFENSA
NACIONAL

María Angella Obando Luján
MINISTRA DE SALUD PÚBLICA Y
ASISTENCIA SOCIAL

Juan Eduardo Cárdenas Ojeda
MINISTRO DE COMUNICACIONES,
INFORMÁTICA Y VAREHEA

Álvaro González Roca
MINISTRO DE FINANZAS
PÚBLICAS

Claudia Patricia Ruiz Cárdena
MINISTRA DE INNOVACIÓN

Lina María María Martha Ospina
MINISTRA DE CULTURA
Y DEPORTE

Luis Fernando López
MINISTRO DE EDUCACIÓN
NACIONAL



Rafael Alberto León Madrid
MINISTRO DE TRABAJO Y
PREVISIÓN SOCIAL

José Ángel López Camargo
MINISTRO DE AGRICULTURA,
GANADERÍA Y ALIMENTACIÓN

María Roberto Rojas Espino
MINISTRO DE AMBIENTE Y
RECURSOS NATURALES

Raúl Romero Sotelo
MINISTRO DE DESARROLLO
SOCIAL

Roberto Antonio Muñoz Morales
MINISTRO DE ECONOMÍA